

四庫未收書輯刊編纂委員會編

四庫未收書輯刊

北京出版社

叅輯・拾肆冊

四庫未收書輯刊

四庫未收書輯刊編纂委員會編

北京出版社

參輯・拾肆冊目錄

世本十卷〔清〕秦嘉謨輯補

一

季漢書九十卷附辨異一卷〔清〕章陶撰 辨異〔清〕張廉撰

一九九

〔清〕秦嘉謨輯補

世本十卷

清嘉慶二十三年琳琅仙館刻本

世本輯補  
十卷

嘉慶戊寅仲夏  
琳琅仙館  
關雕

世本輯補自序

嘉謨自束髮受經卽好爲氏姓之學既采補世本起十年  
讎畢乃次而序之曰自世本亡而春秋之旨晦矣自世本  
亡而史官之法廢矣夫春秋之旨微而顯志而晦婉而成  
章盡而不汙懲惡而勸善而世本有帝系及紀以彰五綱  
之運有譜及世家及傳以著治忽久暫之故有居作氏姓  
諡法以明是非美惡之效疇者可勸疇者可戒讀此而春  
秋之旨昭然如揭然則劉向撰別錄班固志藝文以世本  
次春秋後亦其宜也夫世本何爲而作乎古者外史之職  
莫繁世辨昭穆明天子諸侯世及之義生則著其統沒則

序

定其諡而諸侯之史亦得有簡牘以進退卿大夫之族姓  
班位貴賤能否列史相承守而不失蓋有以彰善癉惡而  
使之交相警焉防微杜漸而使之不得爭焉觀乎太史之  
記崔杼知果之稱輔氏周之史法其可推而見矣夫春秋  
爲編年世本爲紀傳太史公述世本以成史記紀傳不自  
史記始也自史記以後史家始表古今表游幸矣志符瑞  
志釋老矣傳文苑傳隱逸傳寒儒傳鬼神矣無與乎治亂  
無當乎褒貶爭立名目以相炫異不知史記之意者是不  
明世本之旨者也不知世本之旨者皆不明古史之法者  
也吾故曰世本亡而史官之法廢也夫能述世本者於漢

莫如司馬遷於吳晉莫如韋昭杜預

韋杜注國語左傳其世系並據世本見本

序今世本亡而三家之說猶存其卽以此爲世本乎吾未  
敢也其竟以北爲非世本乎吾不忍也有者集之無者據  
三者而補之又復得孫觀察皇衍所藏淡生堂抄輯世本  
二卷洪大令飴孫所編世本四卷詳加增校復閱四寒暑  
而成夫古書存者日尠漢唐遺文學者猶思采錄况世本  
爲三代之書春秋之緒餘史記之所本不及今而哀集其  
將誰埃乎善乎劉子駿之言曰與其過而棄也毋寧過而  
存之不惜蹈穿鑿之譏冀以存古人之事則鄙意存焉耳  
時嘉慶丙子秋九月江都秦嘉謨識

序

諸書論述

史記集解序索隱引劉向曰世本古史官明於古事者之所記也錄黃帝以來帝王諸侯及卿大夫系謚名號凡十五篇也

按此蓋小司馬引劉向別錄之文其十五篇舊目已不可得今可識者十篇耳或篇第有繁重者畧分上下亦未可定不能詳核矣

漢書梅福傳綏和元年立二王後推述古文以左氏穀梁世本禮記相明

漢書司馬遷傳贊曰孔子因史記而作春秋而左邱明論

諸書論述

輯其本事以爲之傳又纂異同爲國語又有世本錄黃帝以來至春秋時帝王公侯卿大夫祖世所出春秋之後七國並爭秦兼諸侯有戰國策漢興伐秦定天下有楚漢春秋故司馬遷據左氏國語采世本戰國策楚漢春秋接其後事迄於大漢其言秦漢詳矣

按太史公書采世本其創立篇目如本紀如世家如列傳皆因世本愈可見當時述而不作之旨說詳諸篇

後漢書班彪傳漢書畧論曰唐虞三代詩書所及世有史官以司典籍暨於諸侯國自有史故孟子曰楚之檮杌晉之乘魯之春秋其事一也定哀之間魯君子左邱明論集

其文作左氏傳三十篇又撰異同號曰國語二十篇由是乘檮杌之事遂聞而左氏國語獨彰又有記錄黃帝以來至春秋時帝王公侯卿大夫號曰世本一十五篇春秋之後七國並爭秦并諸侯則有戰國策三十三篇漢興定天下太中大夫陸賈記錄時功作楚漢春秋九篇孝武之世太史令司馬遷采左氏國語刪世本戰國策據楚漢列國時事上自黃帝下迄獲麟作本紀世家列傳書表凡百三十篇而十篇缺焉

又曰夫百家之書猶可法也若左氏國語世本戰國策楚漢春秋太史公書今之所以知古後之所由觀前聖人之

諸書論述

耳目也

周官小史纂繫世辨昭穆鄭元注曰繫世謂帝繫世本之屬是也小史主定之

禮記大傳鄭元注曰繫之弗別謂若今宗室屬籍周禮小史掌定繫世辨昭穆孔氏疏曰周禮小史之官掌定帝繫世本知世代昭穆

顏氏家訓曰世本左邱明所作而有燕王喜漢高祖

按世本乃周時史官相承著錄之書劉向別錄周官鄭注已明言之故有燕王喜耳若漢高祖乃漢人補錄系代非原文也以世本爲左邱明所作亦自顏書始發之

其實漢書司馬遷傳後漢書班彪傳中未之明言也

隋書經籍志曰漢初得世本敘黃帝以來祖世所出

劉知幾史通曰帝王苗裔公侯子孫餘慶所宗百世無絕能言吾祖郊子見師於孔公不識其先籍談取諸於姬后故周撰世本式辨諸宗楚置三閭實掌王族

春秋左傳孔氏疏曰杜君宋太史公書世本旁引傳記以爲世族譜畧記國之興滅

又曰杜據世本史記作世族譜說諸國滅亡之年

史記燕世家司馬貞索隱曰今系本無燕代系宋忠依太史公書以補其缺尋徐廣作音尚引系本蓋近代始散佚

諸書論述

耳

按唐人避太宗諱引世本皆作系本據小司馬之言則世本燕世家最先散佚故宋忠補之也

龐英文昌雜錄曰梁四公子一人姓譙名杰一人姓蹇名續梁昭明太子曰譙出世本續出世本

夏竦古文四聲韻曰姬古世本字影古世本字

按世本爲周史所作其著錄皆古文以上二書所引猶世本之舊文也

王堯臣等崇文總目氏族類原敘曰昔黃帝之子二十五人得姓命氏由其德之薄厚自堯舜夏商周之先皆同出

於黃帝而姓氏不同其後世封爲諸侯者或以國爲姓至於公子公孫官邑諡族遂因而命氏其源流次序帝繫世本言之甚詳

歐陽修帝王世次圖序曰司馬遷作本紀出於大戴禮世本諸書今依其說圖而考之堯舜夏商周同出黃帝劉恕通鑑外紀曰世本經秦歷漢儒者改易

按世本爲周初至戰國時史官相承而作史記集解所引趙孝成王丹生悼襄王偃偃生今王遷之言可據若經漢儒改易則非其辭矣

鄭樵通志氏族畧序曰凡言姓氏者皆本世本公子譜二

諸書論述

書二書皆本左傳

四

世本篇目

漢書藝文志世本十五篇古史官記黃帝以來迄春秋時諸侯大夫

隋書經籍志世本王侯大夫譜二卷世本二卷劉向撰世本四卷宋忠撰

按漢志十五篇隋志第言卷數分著竹帛故有不同四卷二卷皆向與忠撰注之卷目也宋忠爲後漢末荊州

五業從事南陽人字仲子見三國志尹默李謬傳虞翻傳注及隋經籍志忠一作衷音同

舊唐書經籍志世本四卷宋衷撰世本別錄一卷帝譜世

篇目

本七卷宋均注世本譜二卷

新唐書藝文志宋衷世本四卷別錄一卷宋均注帝譜世

本十卷王氏注世本譜二卷

按宋均爲魏博士亦見隋經籍志王氏注無攷崇文總目世本已不著錄蓋在五季時已亡佚矣

世本輯補目錄

卷一

帝系篇

卷二

紀

卷三

王侯譜

卷四

世家

卷五

目錄

大夫譜

卷六

傳

卷七

氏姓

卷八

居篇

卷九

作篇

卷十

謚法

漢泰山太守應劭注

漢荊州五業從事宋忠注

魏博士宋均注

目錄

世本

帝繫篇

尚書序正義曰大戴禮語宰我問太史公五帝本紀皆名下詳篇名則帝繫乃世本之篇益可知大戴禮本紀篇亦采之於世本也釋元應一切經音義二十三亦曰世本有帝系篇謂子孫相繼也繫或作系音義並同今雜采諸傳注所引者據大戴禮帝繫之文連綴比附用存其舊其闕而不見諸書者則仍以大戴禮本篇補於本文輯為帝繫篇卷一

少典生軒轅是為黃帝

注號有熊者以其本是有熊國君之子故也都軒轅之

邱因以為名又以為號司馬貞史記五帝本紀索隱

按大戴禮本文生本作產今據下本文改產生後仿此

世本卷一

黃帝生元囂元囂生僑極僑極生高辛是為帝嚳孔穎達

典正義羅泌路史後紀九引作帝嚳黃帝之曾孫蓋約舉之文

宋衷曰元囂青陽即少昊也史記五帝本紀索隱高辛地名因以

為號譽名也索隱同上

帝嚳生放勳是為帝堯尚書舜典正義

按諸書引此篇皆約舉其文故與大戴禮詳畧稍異他皆類此

黃帝生昌意郭璞山海經昌意生高陽是為帝顓頊

篇頁部海內經注引作昌意生顓頊

顓頊者專也言能專正天之道也玉篇頁部

按此條玉篇與本文連引今據大戴禮本文定以為注

宋衷曰顓頊名高陽有天下號也史記五帝本紀索隱

顓頊生窮係窮係生敬康敬康生句芒句芒生螭牛螭牛生瞽叟瞽叟生重華是為帝舜及象生敖

案史記三代系表索隱曰此表依帝繫及系本此上之二十四字諸書無引之者惟系表與大戴禮帝系篇同索隱又明言其見系本故據以為系本本文唐人引世本皆以世為系蓋太宗諱也 史記三代系表索隱又引窮係二字

宋衷云一云窮係謚也史記五帝本紀索隱

顓頊生鯀山海經海內經注 史記三代系表索隱 引帝路史後紀十三注鯀生高密是為禹也玉篇骨部 趙氏引作高陽生鯀 路史後紀十三注引同無也字

### 世本卷一

案錄字玉篇路史注俱引作鯀說文鯀魚从魚系又禹父名則當以从魚為正郭璞山海經注及索隱皆作鯀

宋衷曰高密禹所封國史記夏本紀索隱 路史後紀十三注引同所作之

黃帝居軒轅之邱娶於西陵氏之子謂之累祖產青陽及昌意山海經海內經注 宋重修廣韻十

案海內經注引昌意作意昌而下文仍引作昌意則此條乃刊本之誤今據下文校正

青陽降居赤水昌意降居若水路史國昌意娶於濁山氏之子謂之昌僕產顓頊

海內經注引作顓頊母濁山氏之戴禮木 顓頊娶於滕墳氏謂之女祿產老童 山海經大荒

助等太平御覽一百三十五引同墳作墳 路史後紀八注滕墳引作滕墳惟二字

宋忠注曰滕墳國名御覽一百三十五 路史國名紀注引作帝系宋衷注云勝奔國名

老童娶於根水氏謂之驕福山海經大荒西經注 補寶

童娶安是女 鄭樵通志氏族畧四引老童娶根水氏六字 路史後紀八注根水引作根水

吳回裴駰史記楚世家集解 史記楚世家索隱單行本

章補注二引作老童生重黎及吳回

案山海經注所引則重黎為二人與史記楚世家不合此景純破文兄義非正解也

吳回氏產陸終陸終娶於鬼方氏之妹謂之女隤是生六

子孕三年啟其左脅三人出焉破其右脅三人出焉元水

經洧水注 史記楚世家索隱引陸終至女隤二句無於字讀作嬪 王應麟詩地理攷引作陸終生六子 路史後紀八注引帝本世系鬼方國 其一曰樊是為昆吾 楚世

君之妹女嬪一句蓋約舉文 隱家索

### 世本卷一

宋忠曰昆吾國名已姓所出史記楚世家索隱

二曰惠連是為參胡史記索隱同上

宋忠曰參胡國名斯姓無後索隱同上

三曰錢鏗是為彭祖索隱同上四曰求言是為鄩人索隱同上 水經洧

水注引作其四曰求言是為鄩人 詩地理攷二引作四曰鄩人

宋忠曰求言名也姁姓所出鄩國也索隱同上 孔穎達詩傳正義引

作會人即 憎之祖也

其五曰安是為曹姓史記楚世家索隱

宋忠曰安名也曹姓者諸曹所出也索隱同上 急就篇補注引同無曹

六曰季連是為辛姓史記楚世家索隱

宋忠曰季連名也辛姓諸楚所出楚之先索隱

季連產什祖氏什祖氏產內熊九世至於渠婁繇出自熊

渠有子三人其孟子名為無庸為祖王封其中子紅為鄂

王史記楚世家索隱引庸祖二字水經江水注引熊渠封其中子紅為鄂王一句樂史太平寰宇記卷一百

十二兩引皆作楚子熊渠封其中子紅於鄂路史國名紀三注引作鄂熊渠中子封之

案大戴禮帝繫篇子皆作之今據水經注寰宇記校正

其季子名為疵為就章王

案史記楚世家索隱曰系本無執字越作就訂其與史記異也如此類所引一字二字之異同今亦別書之以存世本舊文他處類此

世本卷一

四

昆吾者衛是也史記楚世家集解孔穎達左傳昭十八年正義

索隱單行本引同無也字張守節史記天官書正義參引作昆吾衛者也楚世家正義引同衛下多一氏字

胡者韓是也彭祖者彭城是也史記楚世家集解胡是

一條無也字鄭人者鄭是也水經洧水注史記楚世家集解也字

引同無曹姓者邾是也史記集解李連者楚是也索隱也字

魯下其四妃之子皆有天下上妃有邵氏之女曰姜嫄而

生后稷次妃有娥氏之女曰簡狄而生契次妃陳鄧氏之

女曰慶都而生帝堯次妃娥皇氏之女曰常儀生摯孔穎

達詩

生民正義又引帝嚳卜其四妃之子皆有天下二句又引有邵氏女曰姜嫄一句厥陽詢藝文類聚卷十引

又詩正義首條同上作元無四而字無之文曰常儀五字御覽一百三十五引同而生皆作是產生摯作產帝摯

史記外戚世家索隱引至姜嫄而止路史後紀九注引嫄為上妃一句

謂之女皇御覽一百三十五生丹朱路史後紀十一注引世本帝系

宋衷曰是生丹朱御覽

帝舜娶於帝堯之子謂之女官氏

案育字大戴禮帝繫篇作區下篇路史後紀十二注所引作女官今據校正

鯀娶有辛氏女謂之女志是生高密史記夏本紀索隱

同有辛氏作莘禹娶塗山氏之子謂之女嫫是生啟史記夏本紀索隱

字一本作華字禹娶塗山氏之子謂之女嫫是生啟史記夏本紀索隱

紀正義引帝繫篇文史記夏本紀索隱引作塗山氏女名女嫫路史後紀十二注引作禹娶於塗山氏曰嫫下

嬌字案韋昭國語注序云以世本攷其流則其所言世系皆本是書其注中所云鯀黃帝之後又曰鯀顓頊之後禹

世本卷一

五

父也又曰顓頊生老童老童生重黎及吳回吳回生之

陸終陸終生六子第一子曰樊封於昆吾第三子曰錢

為姁姓封於鄆鄆今新鄭也第五子曰安為曹姓封於

鄆又曰帝嚳周之先祖后稷所出皆與世本同故有關者采之

世本

江都秦嘉謨輯補

紀案左傳襄二十一年正義引記文曰太甲湯孫史記索隱及路史注亦引世本紀文與紀古者同此即史記本紀之所本今采錄原文補

帝

黃帝顓頊帝嚳唐虞舜為五帝史記五帝本紀正義尚書序正義引作黃帝

帝

孫氏注伏犧神農黃帝為三皇少昊高陽高辛唐虞為

五帝

史記五帝本紀正義同

案孫氏不知何代人其注亦無引之者此條語義似與世本本文相辨証小司馬等殆未引其文耳

黃帝有熊氏少典之裔子帝軒轅也

案史記五帝本紀未知其全采世本與否不敢全錄其文第采其與章注相同者錄之此條即見章氏魯語注

世本卷二

黃帝樂名咸池

禮記樂記正義三十八

少昊黃帝之子名契字青陽

黃帝沒契立王以金德號曰金天氏同度量調律呂封泰

山作九泉之樂以鳥紀官

路史後紀七注引董道錢諸轉引世本左傳昭元年正義引

作帝少皞金天氏黃帝之子昭十七年正義引作青陽即少皞黃帝之子代黃帝而有天下號曰金天氏路史後紀七注引

少皞名摯四字

宋忠曰太史公書元葛青陽是為少昊繼黃帝立者而

史不敘蓋少昊金德王非五運之次故敘五帝不數之

也史記五帝本紀索隱三代世表索隱引同無而史不叙四字也作耳

周興封帝之後於祁而置宮後興期於始都計斤十一世

茲不歸莒至紀公復已姓

路史後紀七注引紀文十一本作二據杜氏世族譜校正

案以上疑皆黃帝紀而太史公多不采故五帝三皇諸紀但采其所言系統參用章注補之錄皆未敢錄也楚語注云少皞黃帝之子金天氏也與世本同

帝顓頊高陽氏黃帝之孫左傳昭元年正義昌意之子帝高陽也

帝嚳高辛氏黃帝之曾孫路史後紀九注元囂之孫僑極之子帝

高辛也

案以上皆據章

帝堯陶唐氏

尚書五子之歌正義黃帝元孫尚書堯典正義

帝舜有虞氏路史後紀十二注高陽六氏孫今據章昭注校正

妃以育嫪以瑩同上史記五帝本紀索隱引日女英系本生女瑩

夏禹名曰文命黃帝之元孫帝顓頊之孫也繼帝舜即天

世本卷二

子位號曰夏后氏禹崩子帝啟立帝啟崩子帝太康立帝

太康崩弟帝中康立帝中康崩子帝相立帝相崩子帝少

康立帝少康崩子帝宁立帝宁崩子帝芬立史記夏本紀索隱三代

世本索隱路史後紀帝芬崩子帝芒立帝芒崩子帝泄立紀十四注引作帝冠帝芬崩子帝芒立帝芒崩子帝泄立

帝泄崩子帝降立同上帝降崩弟帝局立帝局崩子帝厘

立帝厘崩弟帝降子帝孔甲立帝孔甲崩子帝皐立帝皐崩

宋衷云帝皐墓在峭南陵史記三代世表索隱

子帝發立帝發崩弟帝履癸立是為桀

案史記本作子帝履癸立今據世本本文校正說見王侯語章昭注國語云紂禹後七世少康之子季杼又曰桀禹後十七世王桀之孫王發之子夏癸也行史記作宁餘同推以桀為發子與史記同而與世本異耳

殷契帝嚳子尚書帝嚳序正義封于商契卒子昭明立昭明卒子

相土立相土卒子昌若立昌若卒子糧圍立史記殷本紀索隱三代

世本表文糧圍卒子冥立冥卒子核立索隱同上

宋衷曰冥爲司空勤其官事死于水中殷人郊之史記殷本紀

紀集

核卒子微立微卒子報丁立報丁卒子報乙立報乙卒子

報丙立報丙卒子主壬立主壬卒子主癸立主癸卒子天

乙立是爲成湯伐夏有天下湯崩太子太丁未立而卒弟

帝外丙立帝外丙崩弟帝仲壬立帝仲壬崩帝太甲立太

甲湯孫左傳襄二十一年正義引世本記文太丁子尚書伊訓序正義太甲崩子帝

世本卷二

沃丁立尚書沃丁序正義帝沃丁崩弟帝太庚立帝太庚崩子帝

小甲立帝小甲崩弟帝雍已立帝雍已崩弟帝太戊立帝

太戊崩子帝仲丁立帝仲丁崩弟帝外壬立帝外壬崩弟

帝河亶甲立帝河亶甲崩子帝祖乙立帝祖乙崩子帝祖

辛立帝祖辛崩弟帝開甲史記殷本紀三代立帝開甲崩帝

祖辛子帝祖丁立帝祖丁崩弟帝南庚立帝南庚

崩弟祖丁子帝陽甲立帝陽甲崩弟帝盤庚立帝盤庚崩

弟帝小辛立帝小辛崩弟帝小乙立帝小乙崩子帝武丁

尚書說命正義帝武丁崩子帝祖庚立帝祖庚崩弟帝祖甲立

帝祖甲崩子帝祖辛史記三代世表索隱引紀文立帝祖辛崩弟帝庚

丁立帝庚丁崩弟帝武乙立帝武乙崩子帝太丁立帝太

丁崩子帝乙立帝乙崩子帝辛立是爲紂

案韋注國語云契殷之祖又云冥契後六世孫相陶之子又云上甲微契後八世湯之先也又云湯冥後九世

主癸之子又云太甲湯孫太丁子又云帝甲湯後五世又云盤庚殷王祖乙之丁又云湯三十世帝乙之子帝

辛殷紂也皆與世本同

周后稷名弃帝嚳子封於郃后稷生不窋不窋生鞠陶鞠

陶生公劉公劉生慶節慶節生皇僕皇僕生差弗差弗生

毀榆毀榆生公非辟方公非辟方生高圉侯倬高圉侯倬

生亞圉雲都亞圉雲都生太公組紺諸蓋太公組紺諸蓋

生太公亶父太公亶父生季歷季歷生文王昌尚書湯誥正義

世本卷二

檢史記周本紀集解引作榆索隱及宋庠國語補音一引作偶榆禮記中庸疏五十二引作亞圉雲生太公組紺

諸蓋史記周本紀索隱引公非辟方高圉侯倬亞圉雲都太公組紺諸蓋路史後紀九注及發揮四引與索隱

同太公二字在組紺諸蓋下史記周本紀集解又引亞圉雲都四字在組紺諸蓋下史記周本紀集解又引亞

諸蓋十字據諸書所引增入

宋衷曰高圉能率稷者也周人報之史記集解同上

文王生武王發伐殷有天下武王生成王誦成王生康王

釗康王生昭王瑕詩民勞正義禮記郊特牲疏引同無成王生康王句

宋衷云昭王南伐楚辛由靡爲右涉漢中流而隕由靡

承王遂卒周乃侯其後於西翟也史記三代世表索隱

昭王生穆王滿穆王生恭王伊扈恭王生懿王堅及孝王

辟方懿王生夷王變夷王生厲王胡懿王崩弟孝王立孝

王崩懿王太子變立是為夷王詩正義同上 禮記正義

恭王名伊厲懿王厲王生宣王靜宣王生幽王宮涅宮涅

生平王宜臼平王崩平王孫太子洩父之子桓王林立林

生莊王佗佗生僖王胡齊齊生惠王涼涼生襄王鄭鄭生

傾王巨生匡王班及定王瑜瑜生簡王夷夷生靈王泄

心心生景王貴貴生悼王猛及敬王句左傳昭二十六年

補音一 惠王涼史記周本紀索隱引作母涼 左傳正義及國語補音皆引作平王生桓王林據史記及韋注核

敬王崩在魯哀公十九年左傳哀十九年正義此

世本卷二

五

敬王崩貞王介立貞王崩元王赤立左傳正義同上 史

並引作元王是貞王子又貞王名介元王名赤 六國年表索隱北宋本又引作元王名赤敬王子八年崩子定王

立介

宋忠注曰太史公書元王仁生貞王介與世本不相應

不知孰是左傳正義同上

魯哀公二十七年是定王介崩元王赤立正義同上 陸氏方傳釋

文 此亦疑注文 故列於下俟攷

元王崩子哀王去疾立弟叔襲殺哀王而自立是為思王

弟鬼攻殺思王而自立是為考王考王崩子威烈王午立

宋忠曰威烈王午葬洛陽城中東北隅也史記周本紀集解

威烈王崩子安王驕立安王崩子烈王喜立烈王崩弟顯

王扁立顯王崩子慎靚王定立慎靚王崩子報王延立史記

六國年表索隱

宋忠曰報諡索隱同上

宋忠曰諡曰西周武公史記周本紀集解索隱

案自后稷至文王章注國語同鞠陶作鞠差弗作羌弗

於作除太公諸盤作公叔祖類大公宣父作太王季歷

作王季又云不窋棄之子又云高圉后稷後十世公非

康王之子昭王瑕又云穆王周康父又云昭王成王之孫

王滿又云恭王穆王之子恭王伊尼又云厲王之子宣王

曾孫夷王之子厲王胡又云宣王厲王之子宣王靖又

云幽王宜王之子幽王宮涅又云幽王之孫惠王周莊王

又云平王之孫文太子之子桓王林又云惠王周莊王

之孫釐王之子惠王涼襄王僖王之孫惠王之子襄王

世本卷二

六

鄭又云定王襄王之孫頃王之子定王榆又云簡王定

王之子簡王夷王又云靈王簡王之子靈王天心又云

景王靈王之子太子晉之弟景王貴景王之子悼王之

弟敬王自幽王至敬王十四世皆與世本同其有異者

皆古音相同

世本

江都秦嘉謨補

王侯譜案隋書經籍志有世本王侯大夫譜二卷世本譜之分王侯大夫可知史記三代世表曰余讀世本黃帝以來皆有年數稽其謬誤終始五德之傳十二諸侯年表曰讀春秋歷譜二篇之說舉同蓋太史公之譜也桓譚新論及劉向皆云太史公譜世表旁行斜上並云依帝繫者三代世表之世數與帝繫同也所云依系本者三代世表旁行斜上與世本之譜同也今三代世表敘五帝三皇其系較然而周成王之下魯齊等十一國以次列入有王有侯則譜志所云王侯譜馬氏所引王侯世本益可見也譜名則以譜志為定而考之以史記証之以馬注及索隱其言皆合今據諸書之說仿世表之體采集遺文補以史記台而篇篇得其舊觀焉輒為王侯譜卷三又案史記索隱雖云三代世表依世本今若直書世表以馬世本則原文之可集者轉無所別故仍用諸篇之例采世本之可見者大書於中無者

世本卷三

則補以世表小書旁綴庶使觀者有別用存其真其分合體例文義裏貶一以三代世表為據

|                       |         |       |       |       |       |       |       |
|-----------------------|---------|-------|-------|-------|-------|-------|-------|
| 國號                    | 帝王世顓頊屬焉 | 屬堯    | 屬舜    | 屬夏    | 屬殷    | 屬周    | 屬     |
| 黃帝號黃帝生黃帝生黃帝生黃帝生黃帝生黃帝生 | 有熊      | 昌意    | 元囂    | 元囂    | 元囂    | 元囂    | 元囂    |
| 經海內舜典                 | 經海內舜典   | 經海內舜典 | 經海內舜典 | 經海內舜典 | 經海內舜典 | 經海內舜典 | 經海內舜典 |
| 正義                    | 正義      | 正義    | 正義    | 正義    | 正義    | 正義    | 正義    |
| 帝顓頊昌意生元囂生元囂生元囂生元囂生元囂生 | 黃帝之顓頊   | 同     | 同     | 同     | 同     | 同     | 同     |
| 孫左傳為高陽                | 窮係史     | 窮係史   | 窮係史   | 窮係史   | 窮係史   | 窮係史   | 窮係史   |
| 年正                    | 辛       | 辛     | 辛     | 辛     | 辛     | 辛     | 辛     |
| 起義                    | 氏       | 氏     | 氏     | 氏     | 氏     | 氏     | 氏     |

黃帝至

顓頊三

世

帝魯黃

帝之曾

孫路史

九起

黃注

帝至帝

魯四世

號高辛

帝元孫

帝元孫

起黃帝

至魯子

五世號

唐堯

帝舜黃

帝元孫

帝元孫

之元孫

三代世表索隱

案高辛正

義引

作帝

契

高辛生高辛生

契

高辛生高辛生

契

高辛生高辛生

契

高辛生高辛生

契

高辛生高辛生

契

高辛生高辛生

契

高辛生高辛生

契

高辛生高辛生

契

高辛生高辛生

契

世本卷三

|        |        |     |     |     |     |     |     |     |     |     |     |
|--------|--------|-----|-----|-----|-----|-----|-----|-----|-----|-----|-----|
| 放勳為句芒生 | 契為殷后稷為 | 祖   | 周祖  | 案此  | 何據  | 史記  | 義例  | 增入  | 疑本  | 有而  | 脫也  |
| 蚺牛蚺    | 牛生腎    | 契   | 契   | 契   | 契   | 契   | 契   | 契   | 契   | 契   | 契   |
| 重華是鯀   | 山海經    | 明祭法 | 不啻尚 | 湯詒  | 正義  | 正義  | 正義  | 正義  | 正義  | 正義  | 正義  |
| 為帝舜    | 注      | 注   | 注   | 注   | 注   | 注   | 注   | 注   | 注   | 注   | 注   |
| 帝舜黃    | 帝元孫    | 帝元孫 | 帝元孫 | 帝元孫 | 帝元孫 | 帝元孫 | 帝元孫 | 帝元孫 | 帝元孫 | 帝元孫 | 帝元孫 |
| 帝元孫    | 帝元孫    | 帝元孫 | 帝元孫 | 帝元孫 | 帝元孫 | 帝元孫 | 帝元孫 | 帝元孫 | 帝元孫 | 帝元孫 | 帝元孫 |
| 之元孫    | 之元孫    | 之元孫 | 之元孫 | 之元孫 | 之元孫 | 之元孫 | 之元孫 | 之元孫 | 之元孫 | 之元孫 | 之元孫 |

[illegible]